

沈乃文主編

明別集叢刊 第五輯

第五十八冊

黃山書社



國家出版基金項目
NATIONAL PUBLICATION FOUNDATION


『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第五輯

第五十八冊

黃山書社



(明)李達撰

李行季遺詩一卷附詩餘一卷

民國九年貴池劉氏唐石
簞刻貴池先哲遺書本

李遺卷
行季
詩一



貴池縣志人物志文苑本傳

李達字行季幼擅敏才為文頃刻立就天啟中遊京師職作公卿揖客時魏瑞擅政達作詩文刺之卒年四十八吳應箕序煜劉城序其詩傳於世

傳 貴池縣志文苑

卷一

李達傳

行季遺詩序

李達字行季年十二能文十五能為詩二十為諸生三十廩於庠試於鄉者凡七死之時才四十死而貧甚又無子嗣其友吳應箕丁煜劉城悲之劉即就丁謀悉從達家取其所遺詩若干首授余曰子盍訂之余兩人將梓之所以傳達者在此余卒讀掩卷歎曰古文人以不遇死者可勝道哉顧未有如達之甚者也達固隴西之苗裔其才雖不敢遠比太白然白四十方應詔而達已死白尚有女而達無後白名傾天子而達卒死諸生故才而死未有如達之甚者也夫才有大小而不遇以至於死則一才而死有甚不甚而期於可以傳則一然而亦有幸不幸焉其可傳而無有能傳之者則才高而名淹滅又可勝道哉此余友之所以不忍達之死而欲以其詩傳之詩傳而達為不死則達之遇猶未為甚也達才頗以敏稱其為詩文雖倉卒應酬可以就都不甚珍惜故多亡失其存者余亦有所去取其間要期於達之可傳是則余友之所以不死達者而已同邑吳應箕撰

行季遺詩 吳序

一

吳序

序

李子四十不遇先朝露其友人劉子城丁子煜俱以是時遭愍失恃從焦毀中劉子猶急索李予遺詩屬煜煜攬涕而轉屬吳子應箕吳子距城二百里連蹇至湖上手自排纘之大都刪者過半籍記者什之二三簡嚴滌濯不欺死友不阿地下取其足以存李子者而已嗟乎憲貧回天伯道不嗣此亦不自李子始冥昭闇夫何索求獨是李子生平氣誼我輩二三子交遊當時易之歿則憶焉李子家世素封至李子始貧有不得已貧者李子甘之獨以古文詞聲稱奕奕達長吏長吏時藉筆札資少許然李子擴達倨傲長吏稍慢易李子輒目攝之甚或形之謾罵長吏喋喋忿恚然以其高流時譽卒陽脩好以張吏術李子落魄嗜飲不以壁立廢高會猶記十年以往無夜不集無集不聞難達曙酒酣興劇輒賭拳論

行李遺詩 丁序

三

勝負勝者擁之堂上坐交椅作傲吏狀而以不勝者取古今不平事設兩造匍伏聽鞫讞倘妓勝則擁妓坐堂上作傲吏狀而不勝者亦罰無赦袒裸奮臂拍張叫動無不以李子之醉爲節者每應省試畢事與李子盪舟蔣陵搜奇寄嘯下第歸始不無鬱怏然每就李子譚若局外人輒寬譬之躁歎喜樂亦無不以李子爲節者丙寅之歲先子忤璫賣志不孝煜扶襯京邸李子以世交且受知先子者深偕行襄事集中惟北征諸什爲尤工過滕陽驛讀方李兩侍御訣子思親詩臨城驛觀萬水部遺詩口占罔罔然哀湘弔賈其志節有可概見者李子具夙慧博聞強記毋論讀秦漢魏晉之書徵事迭難辨詰不窮即與談神仙佛老神經怪牒青州世子東海女郎亦復舉端竟委酬據精悉能令聽者忘疲至於行酒作劇以意爲令使豪飲者受困而飲不升合若劉子與余亦未嘗

丁序

不陶然醉也古人有鼓琴能自造龍吟十弄者亦未足難李子也嗟乎人之云亡風流盡矣讀遺什徒令人思張緒當年然則是集烏足盡李子哉而余三人所以存李子者盡於此友弟丁煜序

行李遺詩 丁序

三

丁序

序

萬曆之甲寅余始交行季時余年十七行季二十有五矣自此過從無間出就試他所同舟車邸舍者再三行季性和易道廣江之南北楚越人咸與遊盡得其歡心而同郡中為所問字久者吳寬生光裕同邑中為爾汝交甚暱者吳次尾應箕丁介之煜及不佞城行季即諸生然以能詩與古文詞聲名早起郡邑長吏多致為屬草有深相知者不亦陽浮慕之故居不得寂寞也行季之為詩古文詞以敏贍自喜不加點竄余間舉古人高簡幽異者以相難行季心躋之然卒卒不暇更進蓋以家貧多酬應又率代尊官語語無情實取畢事而已獨其自為詩性情所在森秀條穎華整芊綿如集中存者固可以俟後人論定也嗟乎世之拙劣猥鄙之徒日昏墨飽噉不知交遊為何事不識初盛中晚為何稱反相率第去

行季遺詩 劉序

四

入則坐堂皇若帝釋莫不伏謁惟謹出乘軒張蓋十百輩呵呼前後辟人匿道傍家雄於貲田園極膏腴后房擁妓女又子孫衆多歲時伏臘則婦子羅拜童穉環繞勸觴滂瀉以終老而行季以彼其才竟以諸生四十死死無一子女嗟乎豈不痛哉行季十五六歲時即著有金剛頌宗門問答度世雜劇諸種歷年詩文卷帙亦大繁疊而余與介之屬次尾所訂存者止此以為此可以傳行季也已矣行季初死家人顧慮不及是余急索之乃賴其伯兄斌次第簡出然亦多亡失云
友弟劉城序

劉序

題辭

哭李行季二十八韻

吳光裕

自余趨古尚多君契獨先逢頭排闥入短褐倚牀編虛已陳新作改圖刪舊篇貌醜奇兼古神清僻且堅意將終大就豈謂折天年涉獵三墳上搜鑽八索前力雄綴緝廣姿敏纂修全摹畫家家肖演聯種種穿才高巢謙抑意廣備周旋好客襟文史開堂縱倒顛勸酬無雅俗遭迴或管絃一從列驂乘每試必先鞭翼翼阻能采翩翩茹自連河魚心腹疾二豎膏肓纏恍惚形骸羸蹉跎酒盞捐極知驚集鵬那料墮飛鳶客共駭奔電人爭悼逝川結腸賦哀些短氣問重泉典籍真餘物衿韡亦冗員窮交嗟已矣血淚故潸然梁木悲時壞箕裘更斬焉眼枯看玉樹靈盡惜栳栳韓風前棟妻妻鏡裏蓮傷心家累迫竭慮世途牽情豈分香履愛猶戀寶鈿名應同

行季遺詩 題辭

王

輩寂稿或代興傳偃蹇華齋月蒼涼雅社烟幽魂招不返疑問數高天

題辭

一百三十五

李行季遺詩目錄

五言古

懷古七首

伍胥

屈原

賈誼

李白

杜甫

蘇軾

陳亮

曉發板子磯同劉伯宗

玉溪口紀異

秋日寄吳次尾

行季遺詩目

一

詹子先卜居相近

七言古

觀水

銅陵縣

遇仙引有序

橋南醉歌贈某山人

五言律

丁介之家別業亭子三首

三月三日集家叔首川青蓮館二首

山家

月夜宿村邸

清溪返照

相公墩二首

目錄一

一百八

大通阻風二首

謁孟廟

再過孟廟

曉發

北征行

七言律

齋居東劉伯宗

曉發因過次尾

春居二首

二日觀妓

題擁書樓

春望用次尾限韻

即事用寬生先生韻四首

行季遺詩目

二

五日同吳次尾丁介之劉伯宗共泛

次老龍池

慈雲閣上三首

小至日杜集溪西碎月樓別歙中諸友

和州飲州治中宅子

過岳武穆祠

滕陽驛讀方李兩侍御壁間訣子思親三詩有感漫賦

二首

過兗州漫書

己巳四十初度三首

五言排律

寄懷王子韓令公

龍口宿雨

目錄二

滁州

上衛淇竹大司徒

五言絕句

踏堤女

郊行

夜聞吹笛八首

六言絕句

雪詩四首

七言絕句

即事有感二首

和新嘉驛女子三首

梅花

女兒村

行李遺詩目

海棠花

李花

杏花

夜行

經張子房神道二首

孟嘗君養士處

臨城驛觀萬元白水部遺詩口占

戊午有客從新嘉驛邸錄得會稽女子題壁詩友人傳

和之今近十年所矣偶從北上過此驛復觀此詩有

感因戲題五絕

曉行漫興

馬上作

和州風雨題主人壁

有引

詩餘十九首附

如夢令秋思

女冠子曉夢

好事近夜別

意難忘春情

長相思憶人

玉樓春吉席

畫堂春吉席

鵲橋仙吉席

如夢令春夜

青玉案吉席

萬年歡慶壽

憶秦娥憶舊

行李遺詩目

望遠行旅夜

好事近旅夢

永遇樂旅夢

綺羅香江行

十二時閨情

燭影搖紅吉席

鳳樓春吉席

標

四

貴池先哲遺書第十二

李行季遺詩目錄終

李行季遺詩

貴池李 達行季父著

五言古

懷古七首

吳伍胥

丈夫懷所志抗言非虛積為悲父與兄抱恨血凝碧蒲伏度昭關壯氣羣為却識時進專諸從茲展石畫興師討荆服覆亡直朝夕既雪父兄恥亦酬干王策長笑卧松雲遠謝人間跡即令報先王行成志已隔君傍有宰嚭禍豈在傾國樂毅亦解去抉眼徒相迫咄哉伍大夫終慚范少伯

楚屈原

箕子披髮晚微子抱器遲傷心宗國亡寧無黍離悲商於本秦地如何受所欺既失臨淄歡敢云報張儀君侯失其明姜

行季遺詩

唐

一

菲因來茲杜蘅辟江鄉不與靡靡期謠詠謂善淫貞女徒涕洟彭咸有遺則從之亦可為遠遊既無所卜居良非宜漁父雖至言決絕鋪糟醅感魂作大招長與君王辭夫子匪孤潔聊以申所思比干固三仁寧至事周姬吁嗟懷沙日子蘭安得知

漢賈誼

洛陽方少年抗表談時事發言老生屈太息陳所忌漢文非楚懷何以終捐棄汨羅過長沙弔古成同類丈夫恥弗用感慨多吁喟鵬鳥入室來主人無攸遂自甘老太傅落落羣外吏召對僅鬼神前席非其意表餌屈懷綏寧忘身使臂豫教豈徒然不使佐儲貳無勞得晁監吳楚恣內異千里固可却士寧羈遠致東閣何所延而不獲奇異六禮洵未登貞女終不字

唐李白

維揚散金日結廬匡阜間鯢鵬垂翼雲豈受羈籠閑偶逢賀秘監供奉雖通班聞當遂初衣欣然開道顏狂醉賦清平拂硯屈玉環君王有飛燕龍鱗安可攀長揖歸巴西四海皆可還棲遲去京國吾道屬多艱永王小豎子胡以志區寰少時識子儀詐不格姦頑時命故無良所在積遐愆夜郎消曉瘴秋浦多暮援託懷在風流狎舟戲妖媚騎鯨悲屈子翳豈愛青山

唐杜甫

子美負奇窮終身事卑棲不恥奏三禮郎官拜拾遺既騰明主譽安知不雄飛君王懷嬖寵世道日多歧丈夫羞俛首寧甘蘊虹霓胡騎亂天下驅馳無所歸閒關赴行在蒲伏脫鯨鯢稚子饑且死何以慰老妻依人築草堂躑躅浣花溪冠纓

行季遺詩

二

挂簾鈎幾為蜀中泥偉哉七尺軀歷落如行尸玄穹風有意客星側少微能邀身後名奈何時弗齊

宋蘇軾

眉山蘇子瞻卜命身在斗二十擅文章一發蒼龍吼初試官鳳翔左宜右亦有先帝歎奇才需以佐元首半騷既弗遇招尤在其口湯火看魂飛顛顛牛馬走窮海恣冥搜雪堂稱老叟迭為長西湖清禁終不偶江寧負風望子厚亦良友翻覆不可知况彼蚊蠅負鐵笛會仙侶世事等敝帚高文動蠻貊蜚譽良不朽君子卜遇世豈在身為受來蘇渡尚存永康置官柳

宋陳亮

囊有陳州著將以下所疑逸士多緣慳造物豈忌之吳興陳同甫何以常棲棲獻賦屢不遇僮僕亦為欺慷慨客西湖椒

觴事日非詩書伴獄吏落魄類燭雞偶試金馬門散處終弗
宜聖神久不作狂狷繫人思猥彼託中庸婉婉同蛾眉委順
事功名豈至慨陸離屬鏤存厥志彭咸甘江湄孤憤埃長沙
故園恥同歸愁心寄明月好友戒吟詩豈翳逾垣避用貞志
不移

曉發板子磯同劉伯宗

海若掀東南新帆乘曉發下流急有聲山月升還沒差我露
高巖滄藹籠深樾神龍駕玉虹尾間傾不竭巨鼇頻欲窺鱗
光雲勃勃片嵐挂江心曾景翻突兀我友海嶠姿相對精神
越抗志涉縹緲渴欲陵超忽因波浣俗塵憑風躋虛闕渺子
愛道仙移情遊俠窟濯纓有長歎安能伐髓骨

玉溪口紀異

溪月吐蛾眉疏星點流水隔岸火微明波動紋如徙雲碧亘

行季遺詩

三

長條霧縵橫疋綺初疑鼉出游復似舟迴指須臾盡金鱗
見神龍起層層挺山嵐疊疊駕江止咫尺斷汚泥百族避巢
壘蛟蜃幻非奇惑茲適可喜蕭史馭玄靈琴高乘赤鯉嗟余
濁世塵何幸見之子惜哉鮮松醪菱芡仍彼此

秋日寄吳次尾

頰座澹秋塵灑灑露忽白側鳥息林深翻翠牽荷擘著我素
心人遠景峯爲隔清賞枕亦流雅礪漱可石風徬北窗閒立
奪楊雄宅堆文綯霞晨鉛書藉雨夕此意饒相知蓬徑空無
跡緘詩叩草堂欣然馳子魄期余破寒時襟尚山陰客

詹子先卜居相近

詹子審易安驪然履我即惟德乃有鄰子也何敢必論交逾
歲時心知在昨昔出陰與吟秋物皆類相及悉索吾何從牛
耳推大一抗義敦無衣擇處慎所習悠悠我里間幽蘭雜叢

棘逝將去彼土適茲臻樂國德操與龐公望衡僅咫尺亦如
駢負郭高軒勤敝席抱膝意以深占星欣遙集陶陶樂豈徒
還往數晨夕諒哉思素心於茲開三益

七言古

觀水

去年白水觀尋丈撐船入市恣來往今年之水復天高蒹葭
蘆葦成莽漾湖邊兒女魚鼈同泗水無衣攀木上敗牀殘絮
逐波流甌停如欲戀蔭蔭蔣城南城北多叫號脫衣覓路援行
榜街頭穀貴黃金賤貧兒曬腹尋溪橡吁嗟何物怒馮夷滌
海奔河皆滄泱我欲登舟問所棲聽颿日入如覆掌浪開銀
漢咫尺間安知博望非懷想此湖涉濤濤瀕堆錦江濁水河
太廣龍門崑崙峯杳冥冥漁人信宿輪漁網瞿唐衝峽自天來
青草年年消烟莽居人卜影悼扶桑百感無緣祈應響宛彼

行季遺詩

四

蕭條腸欲枯濠梁豈爲釣松鱸饑食誰應憐杜甫草堂空令
寄成都

銅陵縣

銅官紫邏深復深我來送客渡江潯江頭水長如天上蟬風
雲壑晝陰陰樓船簫鼓從中發揚帆儻忽颿然沒掉漿從之
去益長短蓬曲擢泥滑滑須臾雲過九華明已覺蓮花片片
生隨舟越渡來城下掀牆折舵浪崢嶸江邊有縣瀟湘遠柳
堤如護春烟晚寒木蘭兮宿洲莽漁歌欸乃聲朗朗汲江烹
魚問酒家懸壺半壁成蛛網茆屋階除石髮多挂船兒女在
山阿七年三渡橫江水塵甌蛙居奈爾何

遇仙引有序

往余聞家以揚遇仙事心奇之蓋余少時好治稗官野史
往往浮慕郭沈諸郎君傳追觀舟中夫人所諭成公言知

有情天不如世間兒女子癡也至家以揚所遇合則真異矣所度嶺甚險且僻縣嚴轟峭麗人徙倚前乃自道姓名贈以詩句如柳帶草茵亦詞藻中人矣詔以夙緣語多纏繾終不及私是誠與幽趣異不可不謂之仙也因思天台二姬止屬避秦女子張蘭英杜麗娘崔少府女輩不過鍾情精靈彼江妃二女解珮投交甫想在當日定不置諸仙品此可爲家以揚解也因爲詳其說而詩以述之

武康春闈壁篋發金縷瑤環情滑滑青牛道士鮮後塵老却雲姝傍琳闕六百年來賦曠居琅函繞下帝前書鸞因鴛譜從春去敢借輶輪曳翠裾嵐花繡疊輕英妥行入深陰烟自鎖星姊憑鸞致勝期輪巖封壁逢娘娜愁鎖遠山春情惱贈君新詩詩亦好夢裏行雲境更遙嶺腰對面胡草草百感無因問玉人玄霜鸞鶴別時春偃蹇麻姑三降宅誰道相思遠

行李遺詩

五

世塵荇釵茵鈿晴山落忍令陰房甘寂寞金鈿不斷范陽絳絳雪窻輪平陸約多君猶抱玄元骨含嬌命嘯通神窟豈受須臾蟻夢驚紅綃不憚情爲竭碧幢翻繞柳條風漢渚愆期路不同石鰲髯莎白楊長彩簫聲在翠微宮

橋南醉歌贈某山人

一水飛沉白千山含吐青但教頻使醉誰復自爲醒樓頭十五胭脂女笑歌幾拍江東去江東歸去已無春眼底偏憐歧路貧村醪拚飲千場醉意氣何當歎隱淪

五言律

丁介之家別業亭子 五首之三

雲屋開三徑風亭隱一椽市喧宜覆掌巖削得如拳鳳蓋迎朝爽龍鐘集瑞烟看君襟欲遠興在落花先

其二

煮茗春開座裁蕉客待題迎軒連繡谷鑿石影娥池霞尾魚朝變風梢鳥夕移圖書生事就相過幾人知

其三

即次開蘭室尋常啟辟疆茵長石自老花小肩爲香甕水翻新影閑籠待夕陽招遊輸意氣取醉得踈狂

三月三日集家首川叔青蓮館

客裏逢寒食招遊意倍親奚囊空問主稚子慣迎賓遠志園爲友閒心室可鄰到來都有致知是尚玄人

其二

青林風漸澹紅砌雨應香狂客呼仍在名花賦不忘座空問字滿杯自論文長投轄情何極陶然入醉鄉

山家

山家春尚淺曉作待朝暉霞氣依鋤立雲光帶擔歸村烟衝

行李遺詩

六

屋早野食伴人稀自有悠然意相將飽蕨薇

月夜宿村邸

山暝烟應息林橫樹乍偏霞蒸溪氣合嵐斷夕陽連花夜雨全奪春宵月幾圓也須忘逆旅沽酒識新年

清溪返照

日莫帆才發溪流晚住烟照餘江石盪影泛塢雲偏浦接磯俱紫船移棹亦圓鳥歸深樹澹還看夕陽邊

相公墩二首

傍郭橫烟渡移篙勢壓橋雁沙浮澹浦漁笛響秋潮遠岸爭垂柳幽居但種蕉虎溪應亦爾欲笑幾人遙

其二

涵鏡沉秋碧晴空接翠微湖翻返照盡航擁暮雲歸傍渚難猶乳迴磯蟹未肥木樨香正好從此識皈依

大通阻風

計日過三夕停舟滯五松棹開風欲峭江渺路如封銅水朝猶隔蕪陰夢已濃可憐行役者目斷白雲峯

其二

搗練猶相答聞歌尚故鄉消魂逢幾摺呼客鳥千行風雨愁連夕圖書喜近牀筆花飛欲試久泊亦相忘

謁孟廟

展對懷先哲因風識所師太山匪峻絕夫子足遐思道路無人國乾坤有特祠生民今已矣忍令負聞知

再過孟廟

兩度謁夫子風塵別一顏人趨卑妾婦吾道尚間關觀海愁無術瞻峯擬未攀岱宗知不遠寧此問東山

曉發

發夕還如魯乘風又入齊辟塵絨簞第困暑坐籠炊候館猶含夢長途盡委泥槐陰空到地無計得羈棲

北征行

北征計廿日去路向誰分戍火更餘暗雞聲夜半聞沙橫車軸霧泥襯馬蹏雲日在風塵裏奔馳那足云

七言律

齋居東劉伯宗

江閣深居五月餘興來濁酒醉輕裾囊詩賦就頻焚稿翰草揮成不作書却怪懷人疑落月那能共客齋新蔬為憐子政觀書日天帝知名事可虛

曉發因過吳次尾

曉發春風到袖寒遠山多向霧中看曙難自唱疑三疊嚶鳥頻求託二難訪戴岫雲深擁雪尋羊徑草半鋤蘭夜來風雨

緣林薄取次新詩待葉乾

春居二首之一

閑館春愁蝶夢殘水晶簾外玉闌干新裁髮髻花紋巧乍舞羅裙柳汁寒換却辛夷都是碧抽來芍藥盡如丹長看山霧濃於酒坐對梅英落未闌

二日觀妓

輕陰溪上麗人家片石含情坐浣紗載酒郊原疑問柳隔林烟樹情尋花柔條拚折春卿手彩筆輪停學士車却笑紅顏蘇小小郎當舞袖換新茶

題擁書樓

百城風藉苑為香露灑千家柳色長近案不懸從事牘局樓如帶瀟陵囊謝家羣從文偏盛楚國陽春調更芳久識神君多化日寧慚學士碧山堂

春望用次尾限韻

青滿村原春氣薰野堤佳望得同君山連翠嶂烟猶雨石卷銀濤暮復雲共聽鶯聲嬌欲合漫尋花色碧頻分已知澄霽催人別誰復尊前夜論文

即事用吳寬生先生韻

浮影山園暮雨天佳人惜別載湖船池邊帶重紅房落浪裏帆搖白墮偏玉樹自憐啼飭恨楊枝空抱夢遊緣已拚渡酒爭花信倚翠翻疑倩女傳

其二

雲垂橋幕暈紅生文履雙停別意輕片月夜留溪水棹過天秋到石頭城蠻音遏板歌應歇私語當筵去亦情不是霍家幽怨女望京樓上任歸程

其三

四百二十二

長干只向客中望安得雙飛與作行短棹吳姬空有別明璫
洛女更無光雙蓮思爲懷人遠一紙情因惜夢香露立空階
愁獨冷輕衣不是夜生涼

其四

離情漠漠幾黃昏身似秋蓬欲斷根黃雀青衣宜卜世紅梨
翠羽莫題魂水橫片岸長如嶼野曠江空半是屯知在遙天
期自遠相思多向菊花論

五日同吳次尾丁介之劉伯宗共泛 三首之二

倚郭樓臺半水湄沿湖無處不歌吹翠微似月蓮花現波影
含秋柳葉垂楚賦幾人能共作郁池五日正相宜百花尚在
滄浪曲盪漿翻從日暮移

其二

放船此日弔波臣堤傍楊花別一新自是白蘇湖上主何須

行李遺詩

九

燕趙曲中人明璫南浦來江女文履東藩見洛神却有南陽
人在坐桃花隨處覓漁津

次老龍池

歸棹常愁風雨橫停舟初見一天晴半函離樹排烟晚幾點
疏星入水明削削寒巖泥帶雪闌闌春鼓夜收兵坐深欲向
池龍語定鉢安禪制未成

慈雲閣上

堤垂綠帶裊清烟梵部飛花散近筵敞閣誰懸獅子座狂風
不斷少林船叱神空豎人天眼海若殊無方便緣舊與滄浪
爲眷屬何妨沽酒白雲邊

其二

幾年常駕白牛車老衲招搖處士家慣與長楊參古佛喜將
流水當頻伽彩燈光度琉璃盞玉鼎香分穀雨茶運筆苦無

行李七律

四百十五

孫恂韻不須作賦點輕紗

其三

龍女珠光響夜潮紺樓慧炬舞紅綃江邊瑤柱還如戰水底
輕舟也自嬌說法上方隨月印談詩幾日樹雲標久知泡影
無歸著誰遣青山笑折腰

小至日社集溪西碎月樓別敘中諸友

問渡溪西烟半遮虛樓佳集倚雲霞山憐杯色和嵐入水惹
詩情趁浪斜此際別離惟待月明朝聚散但吹葭清歌細聽
懷應滿旅客徒勞覓去車

和州飲州治中宅子

暫逐征車試蒯緱遇逢下榻遂淹留尊前柳葉傳謳曲幕裏
蓮花送酒籌前路鶯聲催去晚當筵燕語向人幽青衣典座
情何限不盡新豐旅客愁

行李遺詩

十

過岳武穆祠 時行甚迫未及展拜

武穆祠堂忽在茲臨風一拜杳難期即今羯虜窺關日正是
忠臣報國時眼底飛符傷幕燕臂頭繡字泣寒鴟非關丞相
持和議恢復無心君未知

二首

臣罪當誅主聖明檻車何事更關情覆巢祇恐無完卵舐犢
寧能問服耕萊綵娛親原快事楂梨育子有深盟王陽當日
應如此豈爲羊腸歎未平

其二

讀罷三詩意慘然孤臣無地可回天昔年魂斷東門犬此日
情傷北路鵲叱馭繇來成往事乘車久已識高賢城南湖外
烟霞侶一曲滄浪趣自仙

行李七律